

Pelanggan yang Dihormati,

Helaian Penerangan Produk ini direka untuk memberikan anda maklumat penting tentang takaful kemalangan diri anda.

Pelanggan lain telah membaca Helaian Penerangan Produk ini dan mendapati ia membantu; **anda harus membacanya juga.**

Tarikh: 1 Januari 2026

1 Apakah itu Takaful myPA Care?

Takaful myPA Care menyediakan pampasan sekiranya berlaku kecederaan, hilang upaya atau kematian yang disebabkan oleh kemalangan.

Konsep Syariah yang Diguna Pakai:

- **Hibah** merujuk kepada pemindahan hak milik atas satu aset dari penderma kepada penerima tanpa sebarang balasan. Manfaat yang dibayar dari Dana Takaful Am (DTA) adalah berdasarkan Hibah.
- **Ju'alah** merujuk kepada kontrak di mana satu pihak menawarkan ganjaran tertentu kepada pihak lain yang berjaya mencapai hasil yang telah ditetapkan. Peserta membenarkan Syarikat Takaful Malaysia Am Berhad (Takaful Malaysia) untuk menerima sebahagian daripada lebihan boleh agih daripada DTA sebagai insentif prestasi.
- **Qard** merujuk kepada kontrak pemberian pinjaman wang oleh pemberi pinjaman kepada peminjam di mana peminjam itu perlu membayar balik jumlah yang setara kepada pemberi pinjaman. Takaful Malaysia akan meminjamkan sejumlah wang kepada DTA tanpa faedah sekiranya DTA mengalami defisit.
- **Tabarru'** bermaksud derma untuk tujuan kebajikan. Peserta menderma sebahagian sumbangan kepada DTA untuk membantu peserta lain.
- **Wakalah** merujuk kepada kontrak di mana satu pihak, sebagai prinsipal memberi kuasa kepada satu pihak yang lain sebagai wakilnya untuk melaksanakan tugas tertentu dalam hal-hal yang boleh diwakilkan, dengan atau tanpa mengenakan upah. Peserta memberi kuasa kepada Takaful Malaysia untuk menguruskan DTA dan sebagai balasannya, Takaful Malaysia akan menerima yuran Wakalah.

2 Ketahui Perlindungan Anda

Sebagai ilustrasi, dengan bayaran sebanyak **RM60.00** setahun (untuk Pelan Siddiq), anda akan menerima **perlindungan** asas sijil takaful kemalangan diri seperti berikut:

Sijil asas ini **melindungi**:

Manfaat	Jumlah Perlindungan (RM)
Kematian & Keilatan Kekal Akibat Kemalangan	50,000
Perbelanjaan Penghantaran Pulang	3,000
Perbelanjaan Pengebumian	3,000
Perbelanjaan Perubatan	3,000
Pendapatan Harian Hospital (maksimum 30 hari)	50 sehari
Yuran Ambulans	200
Kecederaan Akibat Diragut	500
Pembelian Peralatan Orthopedik	500

Sijil ini **mengecualikan**:

- Sukan berbahaya seperti terjun udara, terjun terbing, dan lompatan bungee;
- Penyakit sedia ada;
- Sebarang akibat yang timbul daripada melakukan atau cuba melakukan sebarang perbuatan yang tidak sah atau jenayah;
- Risiko berkaitan nuklear dan/atau peperangan;
- Pekerjaan berbahaya seperti anggota tentera, polis, bomba, juruterbang, kru penerbangan/perkapalan, pekerja pembalakan, pelombong; dan/atau
- Bunuh diri/kecederaan sendiri.

Nota: Senarai ini **tidak menyeluruh**. Sila rujuk sijil untuk senarai penuh pengecualian yang terdapat di bawah sijil ini.

Dengan membayar sumbangan tambahan, anda boleh menambah perlindungan untuk memasukkan:

- Manfaat Mingguan untuk Keilatan Menyeluruh Sementara sebanyak RM100 seminggu.

Tempoh perlindungan adalah selama satu (1) tahun. Anda perlu memperbaharui sijil anda setiap tahun.

Jika anda mempunyai sebarang pertanyaan atau memerlukan bantuan berkaitan takaful kemalangan diri, anda boleh:



Hubungi kami di:
1-300 88 252 385



Layari kami di:

www.takaful-malaysia.com.my/products/takaful-mypa-care/



E-mel kami di:

csu@takaful-malaysia.com.my

3 Ketahui Tanggungjawab Anda

Untuk takaful kemalangan diri ini, anda perlu membayar sumbangan takaful sebanyak:

Perlindungan Asas	RM60.00 setahun
Perlindungan Tambahan	
• Manfaat Mingguan untuk Keilatan Menyeluruh Sementara	RM15.00 setahun
Jumlah sumbangan takaful	RM75.00 setahun

Anda juga perlu membayar yuran dan caj berikut:

Yuran Wakalah (sebahagian daripada jumlah sumbangan takaful RM75.00)	50% daripada jumlah sumbangan takaful atau RM37.50 : • Komisen 15% daripada jumlah sumbangan takaful atau RM11.25 • Perbelanjaan Pengurusan 35% daripada jumlah sumbangan takaful atau RM26.25
Duti Setem	RM10.00 Duti setem untuk sumbangan yang tidak melebihi RM150.00 dikecualikan sehingga 31/12/2028.
Caj lain yang dikenakan	8% Cukai Perkhidmatan atau RM6.00
Jumlah sumbangan takaful yang perlu anda bayar	RM81.00

4 Syarat Utama Lain

- Anda mesti memberikan maklumat yang lengkap dan tepat semasa membuat permohonan.
- Anda mesti mendedahkan semua fakta penting seperti pekerjaan dan aktiviti peribadi anda.
- Perlindungan takaful hanya akan berkuat kuasa setelah anda membayar sumbangan (tunai sebelum perlindungan).
- Produk ini tidak melindungi mana-mana individu berumur di bawah 16 atau melebihi 65. Produk ini boleh diperbaharui sehingga umur 70.
- Orang yang layak adalah warganegara Malaysia yang mempunyai nombor kad pengenalan yang sah.
- Pemberitahuan bertulis mengenai sebarang kejadian yang berkemungkinan menimbulkan tuntutan perlu dikemukakan kepada kami secepat mungkin dan dalam apa jua keadaan tidak lewat daripada 14 hari selepas kemalangan yang menyebabkan kecederaan atau kerugian tersebut. Anda mungkin dikehendaki, atas kos kami, menjalani pemeriksaan perubatan lanjut.

Nota: Senarai di atas **tidak menyeluruh**. Sila rujuk kepada sijil untuk senarai penuh terma dan syarat di bawah sijil ini.

? Boleh saya membatalkan sijil saya?

Boleh. Anda boleh membatalkan sijil anda pada bila-bila masa dengan memberi notis bertulis kepada Unit Khidmat Pelanggan (CSU) kami melalui e-mel, dengan mengunjungi mana-mana Takaful myCare Centres (TMCC) atau ejen yang sah, atau melalui portal [myTakaful Customer](#). Selepas pembatalan, anda layak mendapat pemulangan secara prorata daripada sumbangan dengan syarat anda tidak membuat sebarang tuntutan. Tiada yuran pembatalan akan dikenakan.

Syarikat Takaful Malaysia Am Berhad [201701032316 (1246486-D)] adalah dilesenkan di bawah Akta Perkhidmatan Kewangan Islam 2013 dan diselia oleh Bank Negara Malaysia.

MANFAAT-MANFAAT YANG DIBAYAR DI BAWAH PRODUK YANG LAYAK ADALAH DILINDUNGI OLEH PERBADANAN INSURANS DEPOSIT MALAYSIA (PIDM) SEHINGGA HAD PERLINDUNGAN. SILA RUJUK BROSUR SISTEM PERLINDUNGAN MANFAAT TAKAFUL DAN INSURANS ([TIPS](#)) PIDM ATAU HUBUNGI TAKAFUL MALAYSIA ATAU PIDM (LAYARI WWW.PIDM.GOV.MY/MY).